

termina Ugovorom o korištenju školske sportske dvorane utvrđuje se preostali broj sati (mjesečno) i visina naknade za preostale sate korištenja dvorane na osnovu cijene od 10 KM po jednom terminu odnosno za 2 školska časa.

Iznos naknade za preostali broj sati (za koje se plaća naknada) za invalidske sportske klubove utvrđuje se na osnovu cijene od 5 KM po jednom terminu.

Iznos naknade za zainteresovana pravna i fizička lica (rekreativci) utvrđuje se na osnovu broja sati i cijene od 20 KM po satu (60 minuta)

Iznimno za korištenje sportske dvorane Srednje tehničke škole „Bilmišće“ u Zenici za rekreaciju utvrđuje se cijena od 40 KM po satu (60 minuta)

Za utakmice i turnirska takmičenja uz prisustvo gledalaca za koje se ne plaćaju karte utvrđuje se iznos naknade od 30 KM po satu zauzetosti dvorane.

Za utakmice i takmičenja uz prisustvo gledalaca za koje se plaćaju ulaznice utvrđuje se iznos naknade od 50 KM po satu zauzetosti dvorane.

Za vannastavna takmičenja učenika osnovnih i srednjih škola i studenata korištenje školskih sportskih dvorana je besplatno.

Sredstva za ove namjene korisnici uplaćuju na jedinstveni račun Trezora Zeničko-dobojskog kantona.

Član 5.

Član 9. se briše.

Član 6.

Član 12. mijenja se i glasi:

Postojeći uslovi korištenja školskih sportskih dvorana koji su regulisani ugovorima ostaju na snazi do isteka ugovora, a odredbe ovog Pravilnika će se primjenjivati od početka školske 2009/2010. godine

Član 7.

Pravilnik stupa na snagu narednog dana od dana objavljivanja u "Službenim novinama Zeničko-dobojskog kantona".

Broj: 10-27-7635-6/08

Datum, 28.09.2009.

Zenica

MINISTRICA

Zdenka Merdžan, s.r.

321.

Na osnovu člana 14. stav 1. Zakona o kantonalnim i drugim tijelima kantonalne uprave-Prečišćeni tekst („Službene novine Zeničko-dobojskog kantona“, broj: 13/08). a u vezi sa članovima 29., 31. i 32., Zakona o muzejskoj djelatnosti („Službene novine Zeničko-dobojskog kantona“, broj 15/03), ministrica Ministarstva za obrazovanje, nauku, kulturu i sport, donosi:

P R A V I L N I K O USLOVIMA ZA OSNIVANJE I RAD MUZEJSKIH ZBIRKI, MUZEJSKIH IZLOŽBI I GALERIJA

Član 1.

(Predmet pravilnika)

Ovim pravilnikom uređuju se uslovi za osnivanje i rad muzejskih zbirki, muzejskih izložbi i galerija u pogledu sredstava za osnivanje i početak rada, osnovnog fonda muzejskog materijala, prostorija, opreme i stručnog kadra.

Član 2.

(Osnivanje zbirke i galerije i organizovanje izložbe)

Pravno ili fizičko lice koje ima muzejski materijal može osnovati muzejsku zbirku, galeriju ili organizovati muzejsku izložbu.

Član 3.

(Muzejska zbirka i izložba)

- (1) Muzejska zbirka istražuje, prikuplja stručno i naučno obrađuje, čuva i prezentira muzejski materijal.
- (2) Muzejska izložba prezentira muzejski materijal koji se odnosi na određenu temu, period, djelatnost, događaj, instituciju ili ličnost.

Član 4.

(Osnovni fond muzejskog materijala zbirke i galerije)

- (1) Osnivač zbirke i galerije obezbjeđuje osnovni fond muzejskog materijala koji omogućava muzeološko istraživanje i prezentaciju.
- (2) Zbirka i galerija mogu otpočeti s radom ako:
 - a) struktura početnog fonda muzejskog materijala po svom sastavu odgovara muzejskoj oblasti kojom se zbirka i galerija bave;
 - b) muzejski materijal bude stručno obrađen, upisan u knjigu inventara, smješten u odgovarajući muzeološki

- ki mobilijar i iskazan u katalogima zbirke i galerije:
c) ispunjava druge uslove propisane ovim pravilnikom.

Član 5.
(Prostorni uslovi za zbirke i galerije)

- (1) Prostorije koje zbirka i galerija moraju imati:
- prostor za smještaj, izlaganje i čuvanje stalne postavke;
 - najmanje jedan depo za zbirke;
 - prostor za održavanje predavanja grupama posjetilaca;
 - prostor za smještaj stručnih radnika;
 - prostor sa potrebnim sanitarnim uređajima odvojeno za posjetioce i službeno osoblje u skladu sa posebnim propisima;
- (2) U prostorijama iz alineje a) i b) prethodnog stava, treba da je obezbijedena odgovarajuća temperatura i suhoća zraka, odgovarajuće osvjjetljenje, kao i zaštita od elementarnih nepogoda.
- (3) Neophodno je u prostorima namijenjenim za muzejske zbirke i galerije osigurati sve aspekte bezbjednosti posjetilaca i zaposlenih.
- (4) Podnosilac zahtjeva dužan je pribaviti i priložiti rješenja nadležnih organa o ispunjavanju uslova iz stava (1), (2) i (3) ovog člana.

Član 6.
(Oprema muzeja)

- (1) Oprema zbirke i galerije treba da odgovara namjeni prostorija i oblasti kojom se oni bave.
- (2) Zbirka i galerija treba da imaju opremu za:
- čuvanje muzejskog materijala od oštećenja, uništenja i nestajanja;
 - provodjenje mjera zaštite muzejskog materijala u svim uslovima čuvanja (mirnodobski, vanredni, ratni i sl.);
 - drugu opremu potrebnu za obavljanje osnovne djelatnosti izložbe i galerije.

Član 7.
(Stručni kadar)

Muzejska zbirka, muzejska izložba i galerija za izložbenu djelatnost mora imati uz odgovarajući prostor i opremu, najmanje jedno stručno lice za muzejsku oblast koju pokriva.

Član 8.
(Sredstva za osnivanje i rad)

Sredstva za osnivanje i rad muzejske zbirke, muzejske izložbe ili galerije obezbjeđuje osnivač, odnosno podnosilac zahtjeva.

Član 9.
(Podnošenje zahtjeva)

- (1) Osnivači muzejskih zbirki, muzejskih izložbi i galerija obavezni su podnijeti dokumentovan zahtjev Ministarstvu za obrazovanje, nauku, kulturu i sport (u daljem tekstu Ministarstvo) u cilju dokazivanja da ispunjavaju uslove propisane ovim pravilnikom za bavljenje muzeološkom djelatnošću u roku od tri mjeseca od dana njegovog stupanja na snagu.
- (2) Ministarstvo će formirati Stručnu komisiju za procjenu uslova za obavljanje djelatnosti muzejske zbirke, muzejske izložbe i galerije, a koja će u roku od trideset (30) dana Ministarstvu dostaviti izvještaj o svome radu, uključujući i obrazložene stručne prijedloge, mjere i preporuke.
- (3) Troškove rada Stručne komisije snosi podnosilac zahtjeva.
- (4) Sastav Stručne komisije i iznos sredstava potrebnih za naknadu rada, će se utvrditi posebnim rješenjem Ministarstva.

Član 10.
(Početak obavljanja djelatnosti)

- (1) Muzejska zbirka, muzejska izložba ili galerija može početi da obavlja svoju djelatnost kada Ministarstvo Rješenjem utvrdi da su ispunjeni uslovi propisani ovim pravilnikom.
- (2) Rješenje Ministarstva je konačno.

Član 11.
(Primjena zakonskih propisa na zbirke i galerije)

- (1) Odredbe Zakona o muzejskoj djelatnosti ("Službene novine Zeničko-dobojskog kantona" broj: 15/03.) koje se tiču osnivanja, obavljanja djelatnosti, organa upravljanja, nadzora i rukovođenja, stručnog organa muzeja, finansiranja muzeja kao javnih muzeja, adekvatno se primjenjuju na rad muzejskih zbirki i galerija.
- (2) Na muzejske zbirke i galerije, ako se osnivaju kao ustanove, pored odredbi zakona iz stava (1) ovog člana, primjenjuju se i opšti propisi o ustanovama.

Član 12.
(Stupanje na snagu)

Pravilnik stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj: 10-40-24342/09

Datum, 02.10.2009. godine
Zenica.

MINISTRICA

Zdenka Merdžan, s.r.